

www.BibleForChildren.org


Mattius 26



Wali ono
mbengiwa
panewa Roa
Paskah i Yesu
pasi kami to
anaguruNya yau muni
njo'u Betania. Betania etu,
etu semo kota nakaroo i
Lasarus to nawangu
muni i Yesu yako ri
kapatnya seore. Pasi nja'u
seja tua'i nsira dua, i Maria, nja'u
banua etu.



Wali ri
rayanya sira
mangkoni, i Maria
mangkeni minya
bara santongo liter,
minya to magaya kojo
waunya to raika yako ri kale
mpinumuya sanganya narawastu.
Minya etu masuli kojo olinya.
Wali i Maria yau ri awe i
Yesu pei mangawubu minya
etu ri witi i Yesu apa manga'angga la.
Roo see ia mapalasika wayuanya ri
witi i Yesu etu. Wali juku ri raya banua etu
magaya kojo waunya naika nu minya etu.



Wali ojo karoonya palaong etu mawali, samba'a yako ri sampuyu pei dua to anaguru i Yesu, sanganya i Yudas Iskariot, ia yau resi kepala-kepala nto pampue. Naka pei ia yau resi tau etu apa ia mansongka damamposora yau i Yesu resi sira.



Wali ojo pandonge nsira songka i Yudas etu, sira masanang kojo raya nsira pasi mamparajanjika damangawaika i Yudas doi. Wali yako etu i Yudas mangaliwu jaya to matao damamposora yau i Yesu.



Wali ojo karoonya i Yesu magombo etu, kami yau mangika ewa wimba la manganto'oka kami etu. Wali kami mampasigenamo pangkoni to darakoni ri tempo Roa Pasa etu. Wali yako etu, tongo-tongonya kami mangkoni, i Yesu mangoko roti pei manganto'oka i Pue Allah, "Tarima matao."




Roo see la mangampesu-mpesutimo roti etu panewa la mangantilaka kami to anaguruNya. la manganto'o, "Okopei koni, apa si'i korongKu." Yako etu la mangoko wo'u sangkir to la'u tule anggur pei manganto'oka seja i Pue Allah, "Tarima matao." Panewa la mangawaika resi anaguruNya, la manganto'o, "Okopei inu samparia komi. Apa si'i semo raangKu."




“Apa Aku damate mangkapateka komi, wali raangKu ri tempo Aku mate etu, raangKu etu mawali tondong parajanji to bou to naika i mPue Allah resi to lino. ParajanjiNya to bou etu manganto’o boros tau daralapas dosanya. Wali raangKu tempo Aku damate, raa etu semo damangansompo dosa ntau boros.”




Wali yako etu i Pue Yesu manganto'oka i Petrus, la manganto'o, "O Simon, Simon, padongeka gombongKu si'i. Apa i Kepala Measa roomo marapi damangansoba komi samparia. Pasi ia nawaika i mPue Allah mangika palaong to etu. Wali tempo ia mangansoba komi etu, pansoba etu maya raporapaka ewa mangantapis pae, apa yako pansoba etu damiyala pangaya ngkomi bara ewa wea bara ojo ewa otanya."



“Pei Aku roomo mampokaika korom, Simon, see korom taa dapura kojo pangayamu. Korom damangandolika tangomu yako resi Aku pei tempo korom mangandolika muni tangomu resi Aku, tempo etu pakaroso pangaya nu yunumu si’i.” Pei ojo pangandonge i mPetrus gombo i Yesu etu, ia manganto’o, “Pue, aku taa kojo damangandolika tangongku yako resi Komi. Ane Komi ratarungku aku damangalulu Komi.”



“Pasi ane Komi rapopate yau, aku nempo rapopate yau seja sindara-ndara pei Komi, aku buya rayangku.”
Pei i Yesu mangansono, “Petrus, Aku manganto’oka korom, re’e katawanya manu matotoro’o nene si’i, korom togo ngkanimo damamposapuka Aku. Korom damanganto’oka sa’e korom taa mangansani Aku.”



Wali yako etu i Yesu pasi
kami to anaguruNya polas
wo'u njo'u tanpa to
rasangka Getsemani.
Rata nja'u ria i Yesu
manganto'oka kami,
Patunda-tundamo ruyu
komi rire mangampeas Aku
dayau makai-kai nja'uture.
Ia manganto'o, "O Baba,
Komi semo Pa'angKu! Tare
kesaa to taa Nukoto
ngKomi mangika."



“Wali Kuporapika resi
Komi see Komi
mangalimba kasusa to
daKurata si’i.
Pei ne’e raluluka
pamporaningKu.
Biakamo pamporani
ngKomi semo damawali.”



Wali i Yudas yau seja njo'u nawu etu apa ia mampondayaka i Yesu bara nja'u nja'u ria. Tempo ia yau, ia mangangkeni santalenga tentara nto Roma pasi sawei mba'a tau to palaonginya mangajagai banua i mPue Allah.

Tau etu napokau ngkepala-kepala nto pampue pasi to Yahudi to aliran Parisi. Wali tempo sira yau etu, sira mangkeni pansona, suyu, wada pasi pampomobak.



Wali samba'a sira mangasayu yau ira ntalinga to tondo ngkana nu to papolaong ngkepala nto pampue to bae angganya. Pei i Yesu manganto'o, "Gete, ne'e!" Roo see la mampotaka talinga ngkai etu pei mampakatao muni.



Wali yako etu, tau mangansoko i Yesu, pei mangkeni
la njo'u banua ngkepala nto pampue to bae angganya.
Pasi tempo la rakeni etu, i Petrus mangalulu la
pei ia longko yako ri
payuNya.




Wali rata nja'u banua ngkepala nto pampue etu, tau to maroo-roo ri tongonatanya sira mampotuwu apu ri tongonya tongonata etu. Wali sira matunda maneru ri awe nu apu etu pasi i Petrus matunda seja sindara-ndara pei sira.




Pasi re'e seja nja'u ria
samba'a to papolaong
ngkepala nto pampue
to bae angganya, ngkai
etu ja'i ngkai to nasayu
yau i mPetrus talinganya.
Wali ngkai etu manganto'o,
"Bara si'anya korom samba'a
yunu i Yesu to aku mangkita
nja'u nawu ngena?"



Pei i Petrus
mamposapuka, ia
manganto'o wo'u,
"Si'a!" Wali ojo
karoonya ia manganto'o
gombo etu, manu mansaka
matotoro'omo. Wali i Petrus
miyai yako ri tongonata pei
ngasa-ngasa tumangi.



Wali yako etu samparia tau to siromu etu sira makore pei mangkeni i Yesu resi gubernur nto Roma, i Pilatus. Ojo karoonya sira manganto'o gombo etu, i Pilatus mampotanaka resi i Yesu, ia manganto'o, "Wimba, bara monso Korom semo Makole nto Yahudi?"



Wali i Yesu mangansono, "Monso ewa panto'o ngkomi."




Pei i Pilatus rani kojo mangalapa i Yesu, see naka ia mampogomboka wo'u tau boros mampeyaa mangawali yau pampobuuka nsira see ia maya mangalapa i Yesu. Pei sira ojo sakaboo wo'u, sira manganto'o, "Paku la ri kaju pasape! Paku la ri

kaju pasape!"



Wali yako etu i Pilatus jamo mangaluluka yau pamporani nsira etu, see naka ia mangawaika yau i Yesu resi tentara nto Roma darapaku ri kaju pasape. Wali tentara mangoko i Yesu. Roo see sira mangkeni la njo'u sambali ngkota rata nja'u pantana sanganya Golgota. Golgota ane basa Ibrani batuanginya wuku wo'o. Wali tempo sira yau etu, i Yesu semo mampasa'a kaju darapangampaku la.




Wali rata nja'u Golgota etu, sira mangampaku i Yesu ri kaju pasape. Pasi sira mangampaku seja dua mba'a tau to yusa. Kaju pasape ntau dua etu rapokore ri awe nu kaju pasape i Yesu, samba'a ri sambali tondo ngkana pasi samba'a wo'u ri sambali tondo ngkii. Wali i Yesu semo to ri tongonya.



Mata nu eo tamo re'e pananya. Pasi tempo etu semo kodi majoli rindi ronto ri raya banua i mPue Allah rasia dua yau. Roo see i Yesu maroso loonya kaboo, manganto'o, "Pa'angKu, toniingKu Kusarumakakamo resi Komi."

Wali ojo karoonya i Yesu manganto'o gombo etu la mampakapura nosaNya.



Wali tempo etu re'e ri Yerusalem
samba'a tau to yako kota
Arimatea, sanganya i Yusup.
Ia samba'a to pobotus nu
agama nto Yahudi, wali
ia bae angganya. Pasi
ia mangampeas
temponya i Pue
Allah mawali

Makole ri lino.
Wali apa saba
mosumo Eo
Rapandoo see naka i
Yusup mangkojeka
rayanya panewa yau
mampotango i Pilatus.
Ia mamporapika resi i
Pilatus, to'onya, "Waika
aku lemba i Yesu
dakupongkeli."



Wali i Yusup yau mangoli kain
lena, panewa yau njo'u Golgota pei
mantaureka lemba i Yesu
yako ri kaju pasapeNya.

Roo see ia
mangawungusika
lemba i Yesu etu
kain lena to
inolinya etu

panewa
mangkeni njo'u
wayau to raika ri
woto mbatu. Rata
nja'u wayau mbatu
etu, ia mampoduli
lemba i Yesu nja'u
rayanya. Panewa ia
mangabombongika
yau watu to bae ri
wombo nu dayo etu.



Wali eo ngkapate i Yesu etu,
etu semo eo to napasigena
nto Yahudi anu to
darapake ri Eo
Rapandoo. Wali yako
etu ratamo Eo
Rapandoo, panewa
siromu
kepala-kepala nto
pampue
pasi

to Yahudi to
aliran
Parisi.



Sira yau mamopotango i Pilatus. Tempo
sira rata resi ia, sira manganto'o,
"Pa'a, kami tiroowa
kuendo gombo nto
pantipu etu tempo la
tuwuwa. Tempo etu la
manganto'o, 'Aku
damate pei ri
rayanya togo eo
Aku

damambangu
muni yako ri
kapatengku."



Wali sira yau njo'u dayo i Yesu. Ojo
karata nsira nja'u ria, sira
mamposaka tondong ri
woto mbatu ba'a nu dayo
see damiyala ane bara
re'e tau mangawewoka
ba'a nu dayo etu.

Roo see sira
manganto'oka
tentara

mangajagai
dayo etu.




Wali ojo karoonya Eo
Rapandoo, kaeonya rao
etu semo eo Minggu, wali i
Maria to yako ri kampu
Magadan pasi i Maria
to yusa, sira yau
damangalo'a dayo
i Yesu. Tempo
sira yau etu kodi
majoli


re'e lengko
tana to maroso
kojo apa rata
samba'a pomakau i
mPue Allah yako
ndate saruga rata
nja'u dayo etu.



Pomakau to etu mangawewoka yau
watu ba'a nu dayo panewa ia
matunda ri wawonya. Wali
tentara to mangajagai
dayo, sira sakanjonjo
panewa tamua apa
meka kojo raya
nsira.



Pei pomakau i mPue Allah
manganto'oka tau we'a to owo
rata etu, to'onya, "Ne'e
meka, apa Aku kunsani
komi dua ma'i
mangalo'a i Yesu anu
roomo rapaku ri
kaju pasape.



Pei la tamo re'i rire apa la nambangu munimo yako ri kapateNya ewa to'oNya tempo ruyu. Wali mai lo'a wakanya la rapoduli.




Wali tau we'a etu meka-meka raya nsira
pasi sira seja ndende kojo rayanya. Sira
mansaka mampiyaika dayo pei
maripo yau damampakarebaka
resi kami to anaguru i Yesu anu
to nawali etu.



Tongo mpariponya mangampago kami etu,
kodi majoli i Yesu ma'i mangantomu sira
pei mangantabea sira. Wali sira dua
yau mampago la pei mambokotu ri
tangoNya. Sira mangangkongko
witiNya apa manga'angga la.
Pasi sira mampue
mampakabae la.





Wali yako etu i Yesu rata wo'u resi anaguruNya to sampuyu pei samba'a tempo sira tongo mpangkoninya. Tempo etu la manganseko sira apa sira taa mangaya. la manganto'o, "Maka pei komi mabukul? Taa matao komi taa mangaya gombo ntau to mangkita Aku tuwu muni yako ri kapatengKu." Wali ojo karoonya i Yesu mampogomboka anaguruNya, la tiokotaka nto'u saruga. Panewa la matunda ri awe i mPue Allah ri sambaliNya tondo ngkana, tampa to bae angganya.



Apa bae kojo pamporayang i mPue
Allah resi to lino, see naka la mangawai
Aku, AnaNya to samba'aja, see i sema
tau to mangaya Aku, tau etu taa
darapakaja'aka yau, pei
damangarata katuwu to
singkasaenya.



Roma 3:23 Apa samparia tau paka madosa pasi taa kojo masipato mangarata tilanya yako kayawa i mPue Allah.

Roma 6:23 Apa ntanapa ntau mangika dosa, etu semo kapate. Pei sora to yako resi i Pue Allah, etu semo katuwu to singkasaenya. Wali kita maya mangarata sora etu apa saba kita samba'a pei i Kerisitu Yesu, Pue ngkita.

Ibrani 9:27 Wali songka i mPue Allah, etu semo to lino ojo sangkani mate yau panewa roo see nabotus i mPue.

Epesus 2:8,9 Wali yako kanoto i mPue Allah semo naka pei komi seja rapalaes apa saba komi mangaya i Kerisitu.

Wali si'a yako palaong ngkomi naka pei komi rapalaes.

Sora i mPue Allah semo naka pei komi rapalaes.

Wali si'a yako palaong ngkita naka pei kita rapalaes, see naka tare tau to maya tabaro.



Roma 10:9,10 Apa ane kita mampatimonso, manganto'o, "I Yesu la semo Pue," pasi ane raya ngkita mangaya kojo i Pue Allah room mangawangu muni i Yesu yako ri kapateNya, ane ewa see kita darapalaes.

Apa raya ngkita mangaya i Pue Yesu, see naka kita nato'o i mPue Allah tare dosanta. Pasi nganga ngkita mampatimonso pangayanta etu, see naka kita rapalaes.

Yohanes 3:16,17 Apa bae kojo pamporayang i mPue Allah resi to lino, see naka la mangawai Aku, AnaNya to samba'aja, see i sema tau to mangaya Aku, tau etu taa darapakaja'aka yau, pei damangarata katuwu to singkasaenya.

Apa kamonsonya i Pue Allah mampokau Aku, AnaNya, ma'i ri lino si'i, si'a ma'i damangahuku to lino, pei yako palaong to Aku mangika see naka to lino darapalaes.



1 Yohanes 5:11-13 Wali si'i semo kareba etu: I Pue Allah roomo mangawaika kita katuwu to singkasaenya, pasi AnaNya semo pu'u ngkatuwu etu.

Wali i sema-sema tau to re'e Ana i mPue Allah resi ia, tau etu re'e seja katuwu to etu. Pei tau to tare Ana i mPue Allah resi ia, tau etu tare katuwunya to etu. Wali to tao-tao kita mangaya anu to etu mangkonong Ana i mPue Allah, apa i Pue Allah semo matamanasa mpalaong to etu, pasi la masipato rasarumaka.

Wali aku kunsani komi roomo mangaya kuasa nu Ana i mPue Allah. Pei aku tiroowa mangantulisika komi sura si'i see damanasa ngkomi saba yako pangayang komi la, re'emo katuwu to singkasaenya resi komi. Pasi aku mangantulisika komi sura si'i see tare pandoonya komi mangaya la.



Matus 26-28; Lukas 22-24; Yohanes 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Pamona (pmf) © 2018 New Tribes Mission, Sanford, FL
32771-1487, USA. Printed in the United States of America

<https://www.bible.com/en-GB/bible/2982/GEN.1.WNT>

©2025 Bible for Children, Inc.

www.M1914.org

www.bibleforchildren.org

